



Segundo.—De conformidade co disposto no artigo 17.1 do Texto Refundido da Lei Reguladora das Facendas Locais, o presente acordo provisional, así como o referido texto da Ordenanza Fiscal, expóranse ó público no taboleiro de anuncios deste Concello durante o prazo de trinta días hábiles, a fin de que os interesados poidan examinalo expediente e presentalas reclamacións que estimen oportunas.

Terceiro.—Dita exposición ó público anunciarase no Boletín Oficial da Provincia e nun diario dos de maior difusión da Provincia e comezará a contar o seu prazo a partires do día seguinte a aquel no que teña lugar a publicación do correspondente anuncio.

Cuarto.—En caso de non presentarse reclamacións, de conformidade co disposto no artigo 17.3 do mesmo texto legal, durante o período de exposición pública, entenderase definitivamente adoptado o acordo, ata entón provisional, sen necesidade de novo acordo plenario.

En Bueu, a 24 de Xaneiro de 2014.—O Alcalde, Félix Juncal Novas.

2014000851

ORDENANZA FISCAL NUM. 16 REGULADORA DA TAXA POR APROVEITAMENTO ESPECIAL DO DOMINIO PÚBLICO LOCAL CON CAIXEIROS AUTOMÁTICOS

O Pleno da Corporación Municipal do Concello de Bueu, na sesión ordinaria celebrada o 2 de Decembro de 2013, adoptou acordo de aprobación provisional da Ordenanza Fiscal num. 16 reguladora da taxa por aproveitamento especial do dominio público local con caixeiros automáticos.

O Anuncio de aprobación provisional foi publicado mediante inserción deste, no Boletín Oficial da Provincia de Pontevedra o 16 de Decembro de 2013, num. 240. e asemade mediante inserción de anuncio no Diario de Pontevedra o 9 de Decembro de 2013.

Rematado o período de exposición pública o 23 de Xaneiro de 2014, e por canto non se presentaron alegacións relacionadas con esta publicación, segundo consta no informe do funcionario responsable do rexistro municipal o 24 de Xaneiro de 2014.

De conformidade co disposto no artigo 17.3 do Texto Refundido da Lei Reguladora das Facendas Locais, enténdese definitivamente adoptado o acordo, ata entón provisional, sen necesidade de novo acordo plenario.

Polo que procede a publicación íntegra do texto da modificación da Ordenanza Fiscal num. 16. reguladora da Taxa por aproveitamento especial do dominio público local con caixeiros automáticos, que queda como sigue:

ORDENANZA FISCAL Nº 16 REGULADORA DA TAXA POR APROVEITAMENTO ESPECIAL DO DOMINIO PÚBLICO LOCAL CON CAIXEIROS AUTOMÁTICOS.

ARTIGO 1. FUNDAMENTO E NATUREZA

En uso das facultades concedidas polos artigos 133.2 e 142 da Constitución e polo artigo 106 da Lei 7/85, de 2 de abril, Reguladora das Bases do Réxime Local, e de conformidade co disposto nos artigos 15 a 19 do Real Decreto Lexislativo 2/2004, de 5 de marzo, polo que se aproba o texto refundido da Lei Reguladora das Facendas Locais, o Concello de Bueu, establece a taxa por aproveitamento especial do dominio público local con caixeiros automáticos a que se refire o artigo 20. 3. i) e j), do propio Real Decreto Lexislativo, que se rexerá pola presente Ordenanza fiscal, e cuxas normas atenden ao previsto no artigo 57 do citado Real Decreto Lexislativo.

ARTICULO 2. FEITO IMPOÑIBLE

Constitúe o feito impoñible da presente taxa a utilización privativa ou aproveitamento especial dos terreos de dominio público local, aínda cando leve a efecto sen a preceptiva licenza ou concesión, derivada de:

- a) A instalación de caixeiros automáticos en fachadas por entidades de depósitos ou outras entidades financeiras, de modo que o servizo sexa prestado ao usuario desde a vía pública.
- b) A instalación de caixeiros automáticos na vía pública ou terreos municipais por entidades de depósitos ou outras entidades financeiras.

ARTIGO 3. SUXEITOS PASIVOS

Son suxeitos pasivos en concepto de contribuíntes, as persoas físicas ou xurídicas así como as entidades a que se refire o artigo 35.4 da Lei Xeral Tributaria, a cuxo favor outorgar as licenzas ou quen se beneficien do aproveitamento, se se procedeu sen a oportuna autorización, e en calquera caso a entidade financeira titular do caixeiro automático.

ARTIGO 4. RESPONSABLES

Responderán solidaria ou subsidiariamente das obrigacións tributarias do suxeito pasivo, as persoas físicas ou xurídicas a que se refiren os artigos 41 a 43 da Lei 58/2003, de 17 de decembro Xeral Tributaria.

ARTIGO 5. COTA TRIBUTARIA

De conformidade co disposto no artigo 24.3 Texto Refundido 2/2004, da Lei Reguladora das Facendas Locais, serán de aplicación a seguinte tarifa: 360 €/ano

ARTIGO 6. EXENCIÓNS, REDUCIÓNS E DEMAIS BENEFICIOS

De conformidade co disposto no artigo 9 do Real Decreto Lexislativo 2/2004, de 5 de marzo, polo que se aproba o Texto Refundido da Lei Reguladora das Facendas Locais, non poderán recoñecerse outros beneficios fiscais, para a determinación da débeda tributaria que os suxeitos pasivos deban satisfacer por esta taxa que os expresamente previstos nas normas con rango de Lei ou os derivados da aplicación dos tratados internacionais.

ARTIGO 7. PERÍODO IMPOSITIVO DEVENO

1. O deveno da presente taxa producirase cando se inicie o uso privativo ou o aproveitamento especial, aínda cando este leve a efecto sen o oportuno permiso da administración. A estes efectos, presumirase que se inicia o uso privativo ou o aproveitamento especial coa notificación ao interesado da licenza ou autorización para o mesmo, salvo que o acto administrativo autorizado especifique a data de inicio da ocupación.
2. Conforme ao previsto no artigo 26 L.H.L., cando as ocupacións do dominio publico local esixan o deveno periódico da taxa, o mesmo terá lugar o día primeiro de xaneiro de cada ano e o período impositivo comprenderá o ano natural, salvo nos supostos de alta ou baixa, inicio ou cesamento na utilización privativa ou aproveitamento especial, nesos casos o período impositivo axustarase a esa circunstancia co consecuente prorrateo da cota por trimestres naturais. O devandito prorrateo realizarase incluíndo, en todo caso, o trimestre natural completo ao que corresponda o mes en que se produza a alta, baixa, inicio ou cesamento do uso ou aproveitamento especial.

ARTIGO 8. NORMAS DE XESTIÓN

1. As persoas interesadas na concesión dos aproveitamentos regulados nesta ordenanza deberán solicitar previamente a correspondente licenza para a instalación e formular declaración na que conste a localización do aproveitamento.
2. Os servizos técnicos deste Concello comprobarán as declaracións formuladas polos interesados concedéndolles as autorizacións que procedan.
3. Unha vez concedida a licenza, ou se proceda ao aproveitamento aínda sen haberse outorgado aquela, o Concello xirará a liquidación tributaria que corresponda, sen que este feito presupuña a concesión da licenza.



4. O aproveitamento entenderase prorrogado mentres non se presente a baixa debidamente xustificada polo interesado, A tal fin, os suxeito pasivos deberán presentar a oportuna declaración no prazo dun mes seguinte a aquel en que se retire a instalación. A presentación da baixa terá efecto a partir do seguinte exercicio.

ARTIGO 9.

1. A recadación da taxa en período voluntario, realizarase na forma, prazos e condicións seguintes:

- A) Tratándose de concesións de novos aproveitamentos, altas ou aproveitamentos de duración limitada nos que non se esixiu a taxa en réxime de depósito previo, o pago deberá efectuarse dentro dos seguintes prazos.

As notificadas entre os días 1 e 15 de cada mes, desde a data de notificación ata o 20 do mes seguinte ou o inmediato hábil posterior.

As notificadas entre o 16 e último de cada mes, desde a data de notificación ata o 20 do segundo mes posterior ou inmediato hábil posterior.

- B) Nos sucesivos períodos, unha vez incluída a concesión ou alta nos respectivos rexistros, padróns ou matriculas, o cobro efectuarase nos prazos que se establezan no acordo de aprobación dos rexistros, padróns ou matriculas e nos anuncios de cobranza publicados ó efecto.

ARTIGO 10. INFRACCIÓNS E SANCIÓNS TRIBUTARIAS

En todo o relativo á cualificación das infraccións tributarias, así como á determinación das sancións que polas mesmas correspondan en cada caso, aplicaranse os preceptos de contidos nos artigos 178 e ss. da Lei 58/2003, de 17 de decembro, Xeneral Tributaria, normativa que a desenvolva, e no seu caso, a Ordenanza Xeral de Xestión Inspección e Recadación en vigor aprobada polo Concello.

DISPOSICIÓN FINAL PRIMEIRA

No non previsto especificamente nesta Ordenanza, rexerán as normas establecidas na Lei Xeral Tributaria e demais disposicións que, no seu caso, sexan ditadas para a súa aplicación.

DISPOSICIÓN FINAL SEGUNDA

A presente Ordenanza fiscal, aprobada polo Concello Pleno, en sesión celebrada día 02/12/2013, entrará en vigor e será de aplicación o día seguinte da publicación da aprobación definitiva no B.O.P. e seguirá en vigor ata que se acorde a súa derogación ou modificación expresa.

Segundo.—De conformidade co disposto no artigo 17.1 do Texto Refundido da Lei Reguladora das Facendas Locais, o presente acordo provisional, así como o referido texto da Ordenanza Fiscal, expóñase ó público no taboleiro de anuncios deste Concello durante o prazo de trinta días hábiles, a fin de que os interesados poidan examinalo expediente e presentalas reclamacións que estimen oportunas.

Terceiro.—Dita exposición ó público anunciarase no Boletín Oficial da Provincia e nun diario dos de maior difusión da Provincia e comezará a contar o seu prazo a partires do día seguinte a aquel no que teña lugar a publicación do correspondente anuncio.

Quinto.—En caso de non presentarse reclamacións, de conformidade co disposto no artigo 17.3 do mesmo texto legal, durante o período de exposición pública, entenderase definitivamente adoptado o acordo, ata entón provisional, sen necesidade de novo acordo plenario.

En Bueu, a 24 de Xaneiro de 2014.— O Alcalde, Félix Juncal Novas.

2014000852

